



NOBILISSIMO CLARISSIMOQUE VIRO DOMINO D.

# IOANNI MERLET

## FACULTATIS MEDICÆ PARISIENSIS

### DECANO MERITISSIMO.

F.P.P.  
BIBLIOTHEQUE

IOANNES DE SAINT-YON.

**N**ON est quod mireris (DECANE ORNATISSIME) me in hoc laurico curricula versantem tuum implorare patrocinium, etenim apud quem aequius aut honestius possem confugere nisi ad eum quem ut divina quaedam fors studiorum nostrorum fecit arbitrum, ita singularis eius in me benevolentia atque humanitas reddidit omni commendatione superiorem; non recensebo tua in me collata beneficia quae tam libere profudisti, cum adhuc in primis Medicinae elementis versarer, tacebo quae arte atque industria labantem animum erexeris, firmaveris titubantem, neque enim suppetunt verba quibus eloquentia tua vires valeam enunciare. Dicerem etiam aliquid de eximia tua virtutis commendatione, nisi modestiam tuam revererem offendere, quae nihil habet magis commendatum quam à nullo commendari. Patere igitur (DECANE DIGNISSIME) hos Medicinae tuae fructus sub tuis auspicijs prodire in lucem, hancque obsequantia in te mea testimonium gratias et atibus innotescere.



# QVÆSTIO MEDICA

## CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XXII. FEBRVARII.

M. SEBASTIANO RAINSSANT Doctore Medico, Moderatore.

*Est-ne perspiratio sanitatis vindex?*

957

**E**LEMENTORVM *ἐπεμελῶν* discors concordia arctissimo necessitudinis vinculo mixta omnia continet ac regit: in his ignis vt supremum locum, ita principatum tenet, interdum non sine tyrannide. In paruo mundo, æquè ac magno, sese prodit motu perpetui, feriat, nunquam, nec se vni subtrahit operi, nisi vt alteri incumbat impensius. Nihil non molitur, omnia inchoat, dispensat, agit, perficit. Illius ope singulæ partes, priuatæ, publicæ, sua obeunt munia; cerebrum, sensus & motus; cor, vitæ & pulsus; hepar, nutritionis, accretionis, generationis. Dum triplicem adornat coctionem in ventriculo, hepate, toroque corpore, cuiusque reliquias amandat per aluum, renes, & exteriorem cutim, commune corporis emunctorium, ex triplici quod ipsa excipit excremento, terreno, aquo, vaporoso igneo. Huius maximè naturalis, sed insensibilis, cæteras euacuationis species *καθάρσις & διασπασίς* immane quantum superat.

**S**EIPSVM ignorat, qui iugem nec vnquam interruptam humoris primæui à calore interno, externo, ruinam non aduertit, quam accelerat excrementorum prouentus, parciùs refarcit alimentum triplex, cibus, potus, spiritus. Hic, inaspectabilis licet, potentissimus est omnium quæ extra & intra corpus contingunt, *δυσωσῆς*. Illic tempestates anni moderatur, igni pabulum, aquæ motum, terræ fecunditatem, satis vitam, animalibus sensum subministrat, superiorum in hæc inferiora virtutes deducit. Hic morborum & sanitatis, vitæ ac mortis auctor existit, vno verbo Iouis plena omnia. Frustra cum ementitur status, qui perspiratu prohibito intrò coercitus in ichorem abit, cachexiam inducturus, ni manifesta per aluum aut renes excretionem discrimen auertatur. *Διασπασίς* in sudorem commutat cibus vberior, motus violentus, calor languidus. Sibi mutuas præstant operas sensibilis & insensibilis euacuatio, sed robustus calor per transpirationem, infirmus per secesum, eorum medius, per mixtum & sudorem excernit.

**S**ANITATEM constituit partium simularium *ὁμοειδῶν*, organicarum *συμμετρῶν*, omnium *ἁπλῶν*, obeundis actionibus & perferendis laboribus accommodata. Definit eam *ἰσορροπία & μετέωρος* ad stateram semper non exploranda. Abeunti succedit lassitudo *πρόσθῃς, ἐλάσθῃς, φρεσιν*; tensiua remedium *χέλαις*, vlcerosæ *ὑπερστροφῆς*, inflammatoriæ *κρίσεως*, omnibus ac singulis transpiratus, quem nisi natura promoueat, procurat balneum humidum, siccum, frictio mollis, dura, motus blandus, vehemens, immo & quies. Hidrotica & diuretica egrotantium sunt, non sanorum solatia. Suppressio fuliginum, proxima est ad putredinem via. *Διασπασίς* præcedit humoris copia, lentor, crassities, caloris imbecillitas, meatuum angustia; sequitur aliorum ilias nulli parti non pestifera. Inde apoplexia cerebro, cordi palmos, hepati *χρόσις*, vtero præfocatio, animo mæror: eam accerunt *ἔσθῃς*, aër austrinus, inæqualis, natio in frigida, aluminosa balnea, Lunæ radij, aqua cœnosa, immodicus corporis & animi motus, stragularum copia, penuria: *σπῆξ* *ἐνδοῦται*, cibus crudus, multus, parcus, primæ coctionis vitium, quam secunda & tertia nunquam emendant.

**T**RANSPIRATIO insensibilis est totius corporis ex ingressu egressuque aëris arteriarum & caloris natiui ministerio facta euacuatio. In ecstasis, syncopis, hysteris & plerisque animalibus respirationis vices obit, non pulmonum vel diaphragmatis, sed arteriarum operâ. Hæc primum viuunt in vero animalia & plantæ, dispari licet ratione. Duplici constat officio, transumptione, hoc est aëris substantiæ & qualitate calorem internum recreantis attractione (quæ etiam nutriri corpora ad motus ventriculo & vmbilico emplastris, non alienum à ratione ducimus) & diffusione siue fuliginum adustarum explosione, quæ cessante suffocatio; non secus ad illâ deficiente, caloris natiui marcor succedit. *Διασπασίς* auctor est calor, tum internus, qui superflua tantum eaq; cocta præferim à somno *καὶ λήθῃ* excutitur; tum externus, qui vile cum molesto, crudum cum cocto promiscuè *καὶ χύλῳ* vitium dispendio excernit. Illius ratio pro naturarum, ætatum, regionum, tempestatum, studiorum, alimentorum varietate variâ, Deprehendi solet leuitatis sensu, maximè in accliuum ascensu; quamvis eam cum maiori minorque corporis pondere reperiri nihil vetat.

**H**VMANVM corpus obeundæ perspirationi crebris distinctum poris velut spiraculis & infinitis peruium foraminulis fuit, quorum angustia & *πρόσθῃς* omnium ferè morborum parens existit. Eius primogenita soboles febris putrida, quam infringit pandiculatio, iugulat liberalis *διασπασίς*, in continuis critica, in intermittentibus salutaris. Quod crassissimum in arthritide humor euanesceat, in hydrope tenuissimus subsistat, *διασπασίς*, tribuendum. Oleosis vlcera, præcipue maligna efferrantur diffusione prohibita. Morborum ferax autumnus concluso intus acri effluuio quod ætatis calore discutiebatur. Somno quieto æquè ac violento exercitio aut sudore largo per ambitum corporis dissipatur. In motu animi & corporis vis sua & momentum. Est aliquid à mente, mole minimum, virtute maximum, quod ipsum sapientem momento cogit desipere. Ab irâ, spe & perichanâ corpori accedit agilitas, grauias à metu & merore. Salubritatis dotes adimplet moderatum gaudium, improuifum & immodicum nimia & præcipiti spirituum dissipatione non paucis exitio fuit. Quantum coquendo conducit quies & somnus, tantum digerendo motus & vigilia. In solatio, arenæ calentes, thermæ, vehementiora sunt quàm vt à studiofo sanitatis vsurpentur. Sales, trochisci viperini, aquarum theriacalium vsus frequens excusso vnâ cum fuligine alimentario succo marasimum inferunt. Vna transpiratio moderata optanda & prouocanda: infinitis enim commodis corpus iuxta & mentem beat.

*Est ergo perspiratio sanitatis vindex.*

Proponebat Lutetiæ IOANNES DE SAINCT-YON Parisinus, A. R. S. H. M. DC. XLVI.